

**Сабақтың тақырыбы:**

**Береке басы бірлікте**

**Қазақ тілі мен әдебиеті**

## **Оқу мақсаттары:**

1) шығармашылық жазба жұмыстарында көркемдегіш құралдар мен айшықтау амалдарын тиімді қолданып жазу. 2) қосымша ғылыми-анықтамалық ақпарат көздерінен алынған материалдар негізінде мәтін мазмұнына сыни тұрғыдан талдау жасау.

## **Бағалау критерийлері:**

мәтін мазмұнына сыни тұрғыдан талдау жасау.

## Мәтіналды жұмыс. Айтылым. Тыңдалым

1-тапсырма. Оқшау сөздерді қатыстырып, суреттер бойынша сөйлемдер құрастырыңдар.



### Дескриптор:

- суреттерге қарап, өз ойларын айта алады;
- оқшау сөздерді дұрыс қолдануды біледі.

## Мағынаны тану. Мәтінмен жұмыс

### Оқылым

2-тапсырма. Мәтінді оқыңдар. Сұрақ құрастырыңдар.


#### *Дескриптор:*

- *Мәтінді оқиды.*
- *Сұрақ құрастырады.*



Тағдыр тауқыметімен көптеген ұлыс өкілдері қасиетті Қазақ жерін пана тұтқаны белгілі. Қашанда татулық пен ынтымақты ту еткен елімізге өзге ұлыс өкілдерімен достық қарым-қатынаста болып, біртұтастықта, ауызбіршілікте өмір сүру маңызды.

Елбасы Нұрсұлтан Әбішұлы халықты ұлтына бөліп-жармай, біртұтас Қазақстан қоғамын қалыптастыруды мақсат тұтып, 1992 жылы алғаш рет Ассамблея құру туралы идеясын қалың көпшілікке жариялады. Идея ірі мақсатқа ұласып, 1995 жылдың 1 наурызында Қазақстан халқы ассамблеясы құрылды.

Бүгінде Елбасының этносаралық толеранттылық пен қоғамдық келісім үлгісін әлем назарына алып, тынбай зерттеп келеді. Қазақстандық үлгі Біріккен Ұлттар Ұйымында, Копенгагенде, Венада, Женевада, Нью-Йоркте өткен халықаралық форумдарда таныстырылып, оң бағаға ие болды. Еуропадағы қауіпсіздік және ынтымақтастық ұйымына қатысушы 56 мемлекеттің тіліне аударылды.

2010 жылы сәуірде азаматтық қоғам мен мемлекеттік институттардың, танымал тұлғалардың сындарлы ұсыныстарын жинақтаған Қазақстанның «Ел бірлігі» доктринасы

қабылданды. «Ел бірлігі» доктринасы — біртұтастықтың, болашаққа бірігіп ұмтылудың серпінді көрінісі.

«Береке басы бірлікте», — деген қазақ халқы. Қазіргі Қазақстан қоғамының жаңару жолымен тиімді дамуы, ең алдымен, елдегі саяси тұрақтылық пен ұлттық-этностық түсіністікке байланысты.

Бүгінде Қазақстан Республикасы қуатты нарықтық экономикасы мен дамыған азаматтық қоғамы бар, 100-ден астам этнос өкілі бірлік пен келісімде өмір сүріп жатқан, қалыптасқан демократиялық мемлекетке айналды. Әрқашан да бірлік пен татулықты сақтауға, алауыздыққа жол бермеуге шақырған Қазақ елі «Бақыт қайда барасың? — Ынтымаққа барамын» деген әйгілі сөзін қалдырған.

*Д. Нөкетаева*

## Мәтінсоңы жұмыс.

3-тапсырма. «Төрт сөйлем» тәсілін пайдаланып, тақырып бойынша түсінген ақпаратты айтыңдар.

**Пікір:** оқыған мәтін бойынша пікіріңді бір сөйлеммен жеткіз.

**Дәлел:** пікіріңді бір сөйлеммен дәлелде.

**Мысал:** пікіріңді өмірмен байланыстырып, мысал келтір.

**Қорытынды:** тақырып бойынша қорытынды жаз.

### *Дескрипторлар:*

- оқыған мәтін бойынша пікір білдіре алады.
- берілген ақпарат туралы өз ойын жүйелі жеткізеді.



## **Бүгінгі сабақта:**

- *Оқылым материалының ерекшеліктерін талдадық.*
- *Мәтін мазмұны бойынша сұрақтар дайындап, бірнеше нұсқада жауап беруді білдік.*
- *«Төрт сөйлем» тәсілі арқылы тақырып туралы түсінігімізді айта білдік.*



## Оқу тапсырмасы

### *Жазылым*

5-тапсырма.

Қосымша ақпарат көздерінен Қазақстанға тағдыр тауқыметімен көшіп келген ұлттар туралы мәлімет жинаңдар.